

HEE PAUST OPP NO DE VÄAJEL

(His Eye Is On The Sparrow)
(Sijnt Froo! #83)

1. Wan schwoare Tieden komen, wan Trubbel kjemt mien Wajch,
Wan ekj mie feel soo eensom, un aules jeit nich rajcht,
Dan denkj ekj aun mienan Heilant, un siene Leew fa mie,
Hee paust opp no de Väajel, un ekj weet hee sorcht fa mie.
Hee paust opp no de Väajel, un ekj weet hee sorcht fa mie.

Kua: Ekj sinj wiels ekj sie mootich.
Ekj sinj wiels ekj sie frie.
Hee paust opp no de Väajel,
Un ekj weet hee sorcht fa mie!

2. “Lot dien Hoat ruich sennen,” dit es waut Jesus sajcht.
“Un gaunz opp mie vетruen; ekj näm dien Angst un Forcht.”
Un es de Wajch uk diesta, hee blift mie emma dicht bie,
Hee paust opp no de Väajel, un ekj weet hee sorcht fa mie.
Hee paust opp no de Väajel, un ekj weet hee sorcht fa mie.
3. Un go ekj derch Vesieekjunk, komen de Storms soo stoakj,
Hopnijn es gaunz veschwungen, mien Hoat es gaunz bedrekjt,
Dan trakj ekj noda no Jesus, von Sorjen moakt hee mie frie,
Hee paust opp no de Väajel, un ekj weet hee sorcht fa mie.
Hee paust opp no de Väajel, un ekj weet hee sorcht fa mie.

Wied un Musikj: Civilla D. Martin, 1866-1948

Em Auljemeenen Jebrick

Plautdietsch: Nettie (Diedrich) Friesen, 2014